



Vischunaunca Vuorz

Uorden forestal Vuorz

Disposiziuns executivas tier la lescha cantunala d'uaul (DER tier LfoC)

sebasond sin art. 54 dalla lescha forestala dil cantun Grischun (LfoC) sco era sin art. 38 dall'ordinaziun executiva tier la lescha forestal cantunala (OEGC tier la LfoC)

I. Disposiziuns generalas

Art. 1

Intent

Igl uorden forestal communal regla l'organisaziun, las incumbensas e las obligaziuns dil survetsch forestal dalla vischunaunca.

Art. 2

Equalitat dallas schlattineinas

Las indicaziuns davart las persunas, las funcziuns e las professiuns en quei uorden serefereschan da principi ad omisduas schlattineinas, aschilunsch ch'ei seresulta buca enzatgei auter ord il senn digl uorden forestal.

Art. 3

Principi

Ils uauls da vischunaunca duein saver ademplir lur prestaziuns da protecziun, d'utilisaziun e dil beinstar public a moda durabla. Igl uaul sto vegnir mantenus sco spazi vital per fauna e flora.

II. Administraziun

Art. 4

Organisaziun

¹ Per ademplir sias incumbensas forestalas s'unescha la vischunaunca da Vuorz cun las vischunauncas d' Andiast, Pigniu, Rueun, Schnaus e Siat el „Revier forestal Rueun“. Ils detaglis regla il statut d'organisaziun dil revier forestal.

² La vischunaunca da Vuorz metta siu terren forestal d'atgna proprietad tenor lescha forestala gratuitamein a disposiziun alla corporaziun dil revier forestal per diever durabel. Ella sa collaborar cun auters survetschs forestals d'autras vischunauncas.

³ Las radunonzas communalas dallas vischunauncas participadas fuorman ensemen igl organ suprem dil revier forestal Rueun.

Art. 5**Administraziun e survigilonza**

¹ L'administraziun e la survigilonza dils uauls communals uni el revier forestal Rueun ein suuttamessas alla cumissiun da revier. Ella ei responsabla per il manteniment e per la cultivaziun nizzeivla dils uauls communals uni.

² La vischnaunca da Vuorz tarmetta 3 delegai ella cumissiun da revier. Sco delegai ein il president communal ed il gerau d'uaul nominai directamein.

³ Il gerau d'uaul representa ils interess forestals en la suprastanza communalia ed ella populaziun.

Art. 6**Selvicultur da revier**

¹ Il selvicultur da revier vegn engaschaus e salarisaus dalla cumissiun da revier tenor las disposiziuns executivas relevantas dil Grischun.

² Al selvicultur da revier ei surschau la gestiun dil menaschi forestal tenor las disposiziuns executivas cantunalas¹ e tenor la descripziun dalla plazza approbada entras la cumissiun da revier. El ei suuttamess directamein al president dalla corporaziun.

III. Cultivaziun digl uaul

Art. 7**Finamira**

Ils uauls communals ein da cultivar tenor las disposiziuns fixadas en la planisaziun forestala.

Art. 8**Program annual e preventiv**

Las lavurs d'uaul sedrezzan tenor il program annual ed il preventiv approbai entras la cumissiun dil revier forestal.

Art. 9**Segirtad da lavur**

Lavurs d'uaul astgan vegnir exequidas sulettamein da luvrers scolai corrispondentamein² ed observond las disposiziuns davart la segirtad da lavur digl ISSA. Ultra da quei astgan lavurs vegnir surdadas a tiarzas personas sulettamein risguardond l'obligaziun necessaria d'agir cun premura.

Art. 10**Protecziun della lenna**

Nua ch'igl ei necessari per motivs fitosanitars e per segirar la qualitat sto la lenna der-schida vegnir allontanada immediatamein ord gl'uaul ni vegnir tractada a moda cumpe-tenta.

Art. 11**Infrastructura**

Per cultivar ils uauls communals ei da procurar per ina infrastructura cunvegnenta e da mantener tala en in bien stan.

¹ Disposiziuns executivas tier la lescha d'uaul cantunala davart la relaziun da survetsch dils selviculturs da revier grischuns.

² Disposiziuns executivas tier la lescha d'uaul cantunala, cap. V/1 SColaziun minimala dils luvrers d'uaul.

Art. 12**Diever dallas vias d'uaul**

¹ Dallas vias d'uaul sa vegnir fatg diever sulettamein per intets forestals ed agricols sco era per las excepcions lubidas tenor la lescha d'uaul federala e cantunala.

² Ulteriuras excepcions regla la vischnaunca en in reglament tenor il model dil departement da giustia, segirtad e sanitad (DGSS)

IV. Products forestals

Art. 13**Commercialisaziun**

La cumissiun da revier dil revier forestal Rueun commercialisescha ils products forestals e las prestaziuns forestalas il meglier pusseivel. Ella sustegn associaziuns cun medem intent.

Art. 14**Vendita da lenna**

Il selvicultur da revier organisescha la vendita da lenna per la cumissiun da revier dil revier forestal Rueun tenor il statut d'organisaziun resp. tenor cunvegna corrispondenta rिंsguardond ils principis dils "usits dalla fiera da lenna en Svizra".

Art. 15**Consum intern**

Lenna da diever e lenna da brisch utilisada per diever intern vegn messa a quen per prezi da fiera.

Art. 16**Lenna da brisch**

¹ Mintga habitont ha il dretg da retrer lenna da brisch per siu agen diever. Quantum e prezi vegnan fixai entras la cumissiun da revier dil revier forestal Rueun.

² Lenna che vegn buca menada naven entochen la fin digl onn croda senza restituziun anavos al revier forestal Rueun.

Art. 17**Lenna manecia**

¹ Sco lenna manecia vala lenna secca sidretg ni lenna per tiara cun meins che 16 cm diameter a l'altezia dil pèz, sco era roma, scorsa, restonzas da tagl e tocca libra.

² Il dretg da rimnar lenna manecia vegn daus libers cun publicaziun el Fegl ufficial Surselva.

³ Il prezi per ina lubientscha annuala da rimnar lenna manecia vegn fixaus entras la cumissiun da revier dil revier forestal Rueun.

Art. 18**Pignola da Nadal e dascha**

¹ Pignola da Nadal e dascha per cuvierer astgan vegnir tagliai sulettamein sut survigilanza forestala.

² Il selvicultur procura a moda e maniera ordinada ed adequata per il provediment e la furniziun.

V. Protecziun encunter donns

Art. 19

Pasculaziun

L'utilisaziun dils uauls sut pasculaziun ei da reglar en cunvegnietscha cun il survetsch forestal en reglaments da pasculaziun ni en projects per separaziun d'aul e pastira.

Art. 20

Fiug

¹ Il far fiug egl uaul uaul ni en vischinonza da tal ei lubius sulettamein sut la cundizion ch'ei regia negin prighel d'incendis d'aul particular.

² Pils uauls sper e sur il vitg vala in scamond general da far fiug ordeifer las fueinas ufficialas.

³ Tenor art. 26a dall'ordinaziun per mantener l'aria schubra (OAP) vala in scamond general per barschar curdems el liber.

Art. 21

Campar

¹ Il campar egl uaul ei scumandaus.

² Sin damonda sa il campar el territori vegin lubius entra la suprastanza communalia.

VI. Terminaziun e mesiraziun

Art. 22

Mesiraziun

Igl uaul vegin mesiraus e terminaus a norma dallas prescripziuns vertentas dil cantun e dalla confederaziun.

Art. 23

Revisiun

La suprastanza communalia procura per il manteniment dalla terminaziun ed ei responsabla che las fatschas da terminaziun restian libras. Il manteniment dalla terminaziun els uauls privats ei caussa dil proprietari. Succeda quei manteniment entra la vischerna, veginan ils cuosts adossai proporzialmein als proprietaris.

Art. 24

Protecziun dils tiarms

Igl ei scumandau da midar, devastar ni donnegiar tiarms, auters segns da cunfins sco era puncts da triangulaziun, plinavon terminaziuns da parcellas e stagias da projects.

Art. 25

Cumpletaziun da tiarms

Midadas da cunfins, da fatschas, conducts, vias d'aul etc. ein da resgistrar e cumpletar els plans d'aul. Ils cuosts per las midadas ein d'adossal als caschunaders.

VII. Disposiziuns penals

Art. 26

Cumpetenza

La suprastanza communalia ei cumpetenta per tuts surpassaments encunter igl uorden forestal, aschilunsch che quels ein buca suttamess alla cumpetenza d'ina autra instanza.

Art. 27**Multas**

Ultra dall'obligaziun da surprender l'indemnisaziun cumpleina dil donn vegnan ils surpas-saments digl uorden forestal present puni cun multas da 100 entochen 5'000 francs.

Art. 28**Scadenza, mieds legals**

¹ Las multas e l'indemnisaziun dil donn ein da pagar alla cassa communal enteifer in meins suenter la consignaziun dalla disposiziun della multa.

² Encunter las multas decretadas entras la suprastanza communal ha il puniu il dretg da recuorer alla dertgira administrativa.

Art. 29**Obligaziun da denunziar**

Persunas ufficialas ein obligadas da denunziar ils surpassaments che vegnan encon-u-schents ad els.

VIII. Disposiziuns finalas

Art. 30**Aboliziun dil dretg vertent**

Igl uorden forestal dils 22 da matg 1998 vegn abolius.

Art. 31**Entrada en vigur**

Quest uorden forestal entra en vigur suenter l'approbaziun entras la radunanza communal e la Regenza dil cantun Grischun.

Approbau entras la vischnaunca da Vuorz tenor conclus dalla radunanza communal dils datum: **09.10.2009**

Il president:

igl actuar:

Approbau entras la Regenza dil cantun Grischun tenor conclus dils datum:

Il president:

il cancellier:

Aschuntha 1

Uaul privat

Art. 1

Damondas per pinar lenna

¹ En uaul privat sa il possessur pinar lenna senza lubentscha ufficiala (art. 30 LfoC)

- a) per agen diever tochen 3 m³ per onn e hectara en concordanza cun il selvicultur da revier;
- b) per la rumida da lenna terrada dalla neiv ni dal vent, aschilunsch ch'ei vegn preten-diu regina contribuziuns.

² Per lenna da commerci ni pigl agen diever che survarga 3 m³ per onn e hectara drova ei ina lubentscha digl Uffeci forestal dil Grischun.

³ Damondas da pinar lenna els uauls privats ein d'inoltrar al revier forestal Rueun.

Art. 2

Lenna derschida e da bau

Ils possessurs d'uaul ein obligai da preveder mesiras da prevenziun e reparaziun per donns d'uaul (art. 3 LfoC). Lenna derscha e da bau ei da pinar continuadamein. Sut la cundiziun che las lavurs vegnan exequidas conform allas perscripziuns ha il possessur d'uaul privat il dretg dallas contribuziuns correspondentas.

Art. 3

Indemnisaziun

Per la lavur dil selvicultur da revier en uauls privats sa il revier forestal Rueun pretender ina contribuziun commensurada.

Art. 4

Access

Tenor art. 699 dil Cudisch civil svizzer (CCS) ei il passar en territori d'uaul ed igl acquist da fretgs da caglia selvadis, bulius e.a.v. lubius a mintgin.
